

KJARASAMNINGUR STARFSMANNA BANKANNA

15. FEBRÚAR 1989 – 31. DESEMBER 1989

LÖG NR. 34/1977 UM KJARASAMNINGA STARFSMANNA BANKANNA
SAMKOMULAG UM KJARASAMNINGA FÉLAGSMANNA SÍB
SAMNINGUR UM TRÚNAÐARMENN

KJARASAMNINGUR STARFSMANNA BANKANNA

15. FEBRÚAR 1989 – 31. DESEMBER 1989

LÖG NR. 34/1977 UM KJARASAMNINGA STARFSMANNA BANKANNA
SAMKOMULAG UM KJARASAMNINGA FÉLAGSMANNA SÍB
SAMNINGUR UM TRÚNAÐARMENN

K J A R A S A M N I N G U R

SAMNINGANEFNDAR BANKANNA FYRIR HÖND BANKA OG SPARISJÓÐA

OG

SAMBANDS ÍSLENSKRA BANKAMANNA

15. FEBRÚAR 1989 - 31. DESEMBER 1989

E F N I S Y F I R L I T

1. UM KAUP
 - 1.1. Mánaðarlaun
 - 1.2. Dagvinnukaup
 - 1.3. Verðlagsbatur
 - 1.4. Yfirvinnukaup
 - 1.5. Álagsgreiðslur. Vaktaálag
 - 1.6. Röðun starfsheita í launaflokka
2. UM VINNUTÍMA
 - 2.1. Dagvinna
 - 2.2. Hlutastarf
 - 2.3. Yfirvinna
 - 2.4. Lágmarkshvild
 - 2.5. Útkallsvaktir (gæsluvaktir)
 - 2.6. Vaktavinna - afbrigðilegur vinnutími
3. UM MATAR- OG KAFFITÍMA, FÆÐI OG MÖTUNEYTI
 - 3.1. Vinnuhlé í dagvinnu
 - 3.2. Vinnuhlé í yfirvinnu
 - 3.3. Fæði og mótuneyti
4. UM ORLOF
 - 4.1. Lengd orlofs
 - 4.2. Orlofsfé og orlofsframlag
 - 4.3. Orlofsár
 - 4.4. Orlofstími
 - 4.5. Ákvörðun orlofs
 - 4.6. Veikindi í orlofi
 - 4.7. Frestun orlofs
 - 4.8. Orlofsréttur eftir látinn starfsmann
5. FERÐIR OG GISTING
 - 5.1. Ferðakostnaður skv. reikningi
 - 5.2. Dagpeningar innanlands
 - 5.3. Greiðsluháttur
 - 5.4. Akstur til og frá vinnu
 - 5.5. Fargjöld erlendis
 - 5.6. Dagpeningar á ferðum erlendis
 - 5.7. Dagpeningar vegna námskeiða
 - 5.8. Endurskoðunarnefnd
 - 5.9. Heimflutningur fjarri vinnustað

6. ADBÚNAÐUR OG HOLLUSTUHÆTTIR
7. TRYGGINGAR - GREIÐSLA Á LAUNUM Í VEIKINDAFORFÖLLUM - FÆÐINGARORLOF
- 7.1. Tryggingar
- 7.2. Ferðatryggingar
- 7.3. Persónulegir munir
- 7.4. Slys á vinnustað
- 7.5. Um fjarvistir vegna veikinda
- 7.6. Um fæðingarorlof
8. UM VINNUFÖT
- 8.1. Einkennisföt
- 8.2. Hlífðarföt
9. AFLEYSINGAR
- 9.1. Staðgenglar
10. FRÆÐSLUMÁL, LEYFI - ENDURHÆFING - ATVINNULEYSISBÆTUR
- 10.1. Fullorðinsfræðsla
- 10.2. Leyfi
- 10.3. Þjálfunarstarf
- 10.4. Atvinnuleysisbætur
11. UM RÁÐNINGAR Í STÖÐUR - FASTRÁÐNINGU OG UPPSAGNARFREST
- 11.1. Um ráðningar í stöður
- 11.2. Um reynslutíma, fastráðningu og uppsagnarfrest
12. ÝMIS ÁKVÆÐI
- 12.1. Samvinna um skipulags- og tæknimál
- 12.2. Launaseðill
- 12.3. Skilgreining
- 12.4. Lágmarkskjör
- 12.5. Starfsreglur
- 12.6. Um trúnaðarmenn o.fl.
- 12.7. Um lífeyrissjóði
- 12.8. Nefndir
- 12.9. Ákvæði um sjálfsafgreiðsluvélar og beinlínuvinnslu
13. UM GILDISTÍMA
- 13.1. Gildistími
14. BÓKANIR
- 14.1. Bókanir

21.mai 1989

Samband ísl. bankanna og samninganefnd bankanna.
f.h. bankanna, gera með sér svofelldan kjarasamning:

1. UM KAUP.

1.1.1. Mánaðarlaun starfsmanns, sem gegnir fullu starfi, skulu vera sem segir í neðangreindum launaflokkum frá og með 15.febrúar 1989, skv. nánari ákvæðum sammings þessa:

Lfl.	Grunnl.	Eftir 3 ár 4%	Eftir 5 ár 7%	Eftir 7 ár 11%	Eftir 9 ár 14%	Eftir 12 ár 16%	Eftir 15 ár 17%
053	36.479	37.938	39.033	40.492	41.586	42.316	42.680
061	37.651	39.157	40.287	41.793	42.922	43.675	44.052
062	38.863	40.418	41.583	43.138	44.304	45.081	45.470
063	40.116	41.721	42.924	44.529	45.732	46.535	46.936
071	41.412	43.068	44.311	45.967	47.210	48.038	48.452
072	42.752	44.462	45.745	47.455	48.737	49.592	50.020
073	44.138	45.904	47.228	48.993	50.317	51.200	51.641
081	45.571	47.394	48.761	50.584	51.951	52.862	53.318
082	47.052	48.934	50.346	52.228	53.639	54.580	55.051
083	48.584	50.527	51.985	53.928	55.386	56.357	56.843
091	50.168	52.175	53.680	55.686	57.192	58.195	58.697
092	51.805	53.877	55.431	57.504	59.058	60.094	60.612
093	53.499	55.639	57.244	59.384	60.989	62.059	62.594
101	55.250	57.460	59.118	61.328	62.985	64.090	64.643
102	57.060	59.342	61.054	63.337	65.048	66.190	66.760
103	58.982	61.341	63.111	65.470	67.239	68.419	69.009
111	60.987	63.427	65.257	67.696	69.526	70.745	71.355
112	63.061	65.583	67.475	69.998	71.889	73.151	73.781
113	65.205	67.813	69.769	72.378	74.334	75.638	76.290
121	67.422	70.119	72.142	74.838	76.861	78.210	78.884
122	69.714	72.503	74.594	77.383	79.474	80.869	81.566
123	72.085	74.968	77.131	80.014	82.176	83.618	84.339

131	74.536	77.517	79.753	82.734	84.970	86.461	87.207
132	77.070	80.153	82.465	85.547	87.859	89.401	90.172
133	79.690	82.878	85.268	88.456	90.847	92.441	93.237
141	82.400	85.696	88.168	91.464	93.935	95.583	96.407
142	85.201	88.609	91.165	94.573	97.129	98.833	99.685
143	88.098	91.622	94.265	97.789	100.432	102.194	103.075
151	91.093	94.737	97.470	101.114	103.846	105.668	106.579
152	94.190	97.958	100.784	104.551	107.377	109.261	110.203
153	97.393	101.289	104.210	108.106	111.028	112.976	113.950
161	100.704	104.732	107.754	111.782	114.803	116.817	117.824
162	104.128	108.293	111.417	115.582	118.706	120.789	121.830
163	107.669	111.975	115.205	119.512	122.742	124.896	125.972

1.1.2. Á samningstímabilinu skulu laun hækka sem hér segir:

Þann 1. september 1989 um 2,50%.

Þann 1. nóvember 1989 um 2,40%.

1.1.3. Brot úr mánaðarlaunum reiknast þannig, að deilt er með 21,67% í mánaðarlaunin og margfaldað með fjölda almanaksdaga annarra en laugardaga og sunnudaga frá upphafi eða til loka starfstíma.

1.1.4. Við röðun í launaflokka skal meðal annars tekið tillit til starfsaldurs og menntunar. Eitt ár í starfi jafngildir einum flokki launatöflu. Starfsaldur er ákveðinn með hliðsjón af eftirfarandi:

a) Bankastörf reiknast að fullu.

b) Störf hjá ríki, sveitarfélagi og öðrum aðilum

reiknast að fullu, enda nýtist sú reynsla í starfinu.

Með starfsaldri skv. þessari grein er átt við samfelldan starfstíma í a.m.k. 50% starfs í 3 mánuði eða lengur.

Starfsmaður sem náð hefur 20 ára aldri skal eiga rétt á launum samkvæmt launaflokki 083, starfsmaður sem náð hefur 25 ára aldri skal eiga rétt á launum samkv. 093.

1.1.5. Starfsmaður skal hafa rétt á launum ekki lægri en samkvæmt launaflokki 101, þegar 4ra ára starfsaldri er náð.

Gjaldkerar hækki um einn launaflokk við hver áramót, þar til launaflokki 111 er náð.

1.1.6. Starfsmaður, sem starfað hefur í 3 ár í banka, skal fá 4% álag á þau laun, sem hann fær samkvæmt grein 1.1.1. Eftir 5 ára starf verði þetta álag 7%, 7 ára starf 11%, 9 ára starf 14%, 12 ára starf 16% og eftir 15 ára starf 17%.

Starfsmaður, sem tekið hefur háskólapróf, fær aldursálag samkvæmt þessari grein að hámarki 4 árum fyrr en ella, enda nýtist menntun hans í starfi.

Starfsmaður, sem lokið hefur framhaldsnámi í Bankamanna-skólanum, fær aldursálag á sama hátt tveimur árum fyrr en ella.

Heimilt er við ákvörðun starfsaldursálags að taka til greina starfstíma hjá öðrum vinnuveitendum en banka við hliðstæð störf, enda hafi sá starfstími eigi verið metinn til starfsaldursálags áður. Slíkur starfstími getur þó mest orðið 3 ár.

1.1.7. Ákvæði greina 1.1.4. - 1.1.6. taka einnig til starfsmanna, sem ekki gegna fullu starfi.

1.1.8. Það skal vera aðalregla, að fastráðnir starfsmenn fái laun sín greidd fyrirfram fyrsta virka dag hvers mánaðar, en lausráðnir starfsmenn eftir á í lok hvers mánaðar eða fyrsta virkan dag þess næsta, nema um annað sé samið við hlutaðeigandi starfsmannafélag.

1.2. Dagvinnukaup.

1.2.1. Dagvinnukaup á klst. miðast við deilitölu 160 miðað við það þrep í launaflokki, sem viðkomandi starfsmaður er í.

1.3. Verðlagsbætur.

1.3.1. Um verðbætur á laun fari skv. lögum.

1.4. Yfirvinnukaup.

1.4.1. Yfirvinna er greidd með tímakaupi. Tímakaup fyrir yfirvinnu í hverjum launaflokki er 1% af mánaðarlaunum miðað við það launabrep, sem viðkomandi starfsmaður tekur laun eftir.

1.4.2. Öll vinna, sem unnin er á stórhátíðum (nyársdag, páska- dag, hvítasunnudag, jóladag og eftir kl. 12,00 á aðfangadag jóla og gamlársdag), föstudaginn langa og 17.júni, greiðist með tímakaupi, sem nemur 1,375% af mánaðarlaunum miðað við það launabrep, er starfsmaður tekur laun eftir.

1.4.3. Semja má við starfsmenn um fasta mánaðarlega þóknun fyrir yfirvinnu.

1.4.4. Öll yfirvinna skal greidd eftirá fyrir hvern mánuð eða 30 daga og komi til útborgunar eigi síðar en 2 vikum eftir síðasta reikningsdag.

1.5. Álagsgreiðslur. Vaktaálag.

1.5.1. Vaktaálag skal miðast við launaflokk 083 með starfsaldursálagi eða við þann launaflokk sem viðkomandi starfsmaður er í sé hann hærri. Á tímabilinu kl. 17,00 til 24,00 skal vaktaálag vera 33,33%, 45% á tímabilinu kl. 24,00 til 09,00 og 90% á stórhátíðadögum. Þetta ákvæði á þó ekki við um kvöld- og naturverði né um starfsfólk, sem vinnur á tímabilinu kl. 12,30 til 19,15, sbr. 2.2.3.

1.6. Röðun starfsheita í launaflokka.

Starfsheiti skulu raðast í launaflokka sem hér segir:

053 - 063 Nýliðar.
 071 - 101 Bankaritarar - verðir.
 081 - 113 Gjaldkerar.
 091 - 103 Aðstoðarfulltrúar.
 103 - 123 Fulltrúar.
 101 - 123 Einkaritarar.
 111 - 122 Féhirðar.
 121 - 161 Sérfræðingar.
 113 - 143 Deildarstjórar.
 123 - 152 Skrifstofustjórar - Afgreiðslustjórar.
 141 - 162 Forstöðumenn.
 141 - 162 Embættismenn *.

* Embættismenn eru m.a.:

Aðalbókari, aðalféhirðir, aðallögfræðingur, skipulagsstjóri, starfsmannastjóri, aðstoðarmenn bankastjórnar.

Jafnframt skal þess gætt að starfsmenn sem annast það verkefni að vera tenglar, vegna beinlínuvinnslu, séu ekki í lægri launaflokki en 112.

2. UM VINNUTÍMA.2.1. Dagvinna.

2.1.1. Hinn almenni dagvinnutími er frá kl. 9,00 að morgni til kl. 17,00 síðdegis mánudaga til föstudaga, að báðum dögum meðtöldum.

2.1.2. Vinnutími starfsmanna skal vera samfelldur. Að öðrum kosti reiknast auður tími milli vinnutíma að fullu.

2.1.3. Starfsmenn skulu ljúka venjulegum daglegum verkefnum þó það taki lengri tíma en hinn tilgreinda dagvinnutíma.

- 2.1.4. Heimilt er að haga vinnudegi með öðum hætti en segir í 2.1.1. sé um það samkomulag milli hlutaðeigandi starfsmanna, stjórnar starfsmannafélags og banka.

2.2. Hlutastarf.

- 2.2.1. Starfsmaður, sem vinnur hlutastarf, hlýtur greiðslur og orlof eins og starfshlutfall hans segir til um.
- 2.2.2. Starfshlutfall er metið með hliðsjón af grein 1.1.3. og 1.2.1. Matartími telst ekki til vinnutíma.
- 2.2.3. Launahlutfall starfsmanna, sem vinna 6 1/4 stund með fastan vinnutíma á tímabilinu kl. 12,30 - 19,15 er 100% og er ekki talin yfirvinna né vaktaálag á þann tíma.

2.3. Yfirvinna.

- 2.3.1. Sé unnið fram yfir venjulegan vinnutíma við störf, sem ekki teljast til daglegra verkefna, skal greiða yfirvinnu, enda sé ákvörðun tekin um það hverju sinni.
- 2.3.2. Öll vinna, sem unnin er á fridögum greiðist sem yfirvinna, sbr. gr. 1.4.1. og 1.4.2. Auk hinna vikulegu frídaga skulu eftirtaldir dagar taldir sérstakir frídagar:
Nýársdagur, skírdagur, föstudagurinn langi, laugardagur fyrir páska, páskadagur, annar í páskum, sumardagurinn fyrsti, 1.mai, uppstigningardagur, hvítasunnudagur, annar í hvítasunnu, 17. júní, 1.mánudagur í ágúst, jóladagur og annar í jólum, ennfremur aðfangadagur jóla og gamlársgangur frá kl. 12,00.

- 2.3.3. Sé unnið í matar- eða kaffitíma þannig, að vinnuhlé nái ekki fullum umsömdum tíma, skal matar- eða kaffitíminn greiðast með yfirvinnukaupi. Matar- og kaffitímar á yfirvinnutímabili, sem unnir eru, greiðast með viðbót við yfirvinnutíma, svo og matar- og kaffitímar í yfirvinnu, sé unnið að fremri mörkum þeirra.
- 2.3.4. Þegar starfsmaður er kallaður til vinnu, sem ekki er í beinu framhaldi af vinnu hans, skal greitt yfirvinnukaup fyrir a.m.k. 3 klst. á virkum dögum og a.m.k. 5 klst. eftir kl. 17,00 á föstudögum, á laugardögum, sunnudögum og sérstökum fridögum, nema reglulegur vinnutími hefjist innan 3 eða 5 klst. frá því að hann fór til vinnu.
- 2.3.5. Hafi starfsmaður skemmri vikulega vinnuskyldu en gert er ráð fyrir í 2.1.1., skal vinna umfram hana greidd eins og segir í 2.3.6. og 2.3.7.
- 2.3.6. Óreglubundin vinna umfram hina skertu vinnuskyldu eða samfelld vinna skemur en einn mánuð, greiðist með því kaupi, sem greitt er fyrir yfirvinnu.
- 2.3.7. Samfelld reglubundin vinna einn mánuð eða lengur innan dagvinnumarka, allt að fullri vinnuskyldu, greiðist sem reiknað hlutfall af mánaðarlaunum, enda hafi starfsmanni verið kynnt það áður en sú vinna hófst.

2.4. Lágmarkshvöld.

- 2.4.1. Hafi starfsmaður ekki fengið samfellda hvíld í að minnsta kosti 8 klst. vegna yfirvinnu eða hvers konar útkalla, ber honum 8 klst. hvíld frá því að útkalli eða yfirvinnu lýkur og þar til hann mætir til reglubundinnar vinnu á ný, án skerðingar á neinum þeim reglubundnu launum, sem starfsmaðurinn hefði fengið greidd. Fáist ekki hin tilskilda hvíld, skv. þessari mgr., fær starfsmaðurinn greitt yfirvinnukaup fyrir hina reglubundnu vinnu auk hinna reglubundnu launa, sem hann hefði fengið greidd.

- 2.4.2. Nú hefur starfsmaður unnið samfelldt 16 klst. að meðtöldum matar- og kaffihléum, og skal hann þá fá minnst 8 klst. samfellda hvíld án skerðingar á þeim reglubundnu launum, sem hann hefði fengið greidd. Fáist ekki tilskilin hvíld skv. þessari málsgrein, greiðist yfirvinnukaup auk hinna reglubundnu launa, sem hann hefði fengið greidd.
- 2.4.3. Starfsfólk, sem eingöngu vinnur einhliða störf, (monoton og mekanísk) og þá einkum á skráningartækjum, skal hljóta reglubundna hvíld frá tækinu t.d. 10 mínútur á klukkustund, þannig að viðvarandi einhliða álag sé rofið og tilbreyting fáist.
- 2.4.4. Samningsaðilar undirbúa ákvæði um lágmarkshvíld vegna gildistöku laga nr. 46/1980.

2.5. Útkallsvaktir (gæsluvaktir).

- 2.5.1. Sé þess óskað, að staðin sé útkallsvakt, en með útkallsvakt er átt við, að starfsmaður sé ekki við störf, en reiðubúinn til að sinna útkalli, greiðist í tímakaup vaktaálag sbr. 1.5.1. meðan vaktin stendur. Ef starfsmaður er kallaður í vinnu á meðan, ber honum yfirvinnukaup skv. grein 2.3.4., og falli niður útkallsvakta-greiðslur fyrir greiddan tíma.
- 2.5.2. Starfsmaður á rétt á fríi í stað greiðslu. 20 mínútna frí jafngildir 33% vaktaálagi á klst., en 27 mínútna frí 45% vaktaálagi.

2.6. Vaktavinna - afbrigðilegur vinnutími.

- 2.6.1. Vinnuvika vakta skal hefjast kl. 0,00 aðfaranótt mánu dags og ljúka kl. 24,00 föstudagskvöld. Hún er 40 klst. að meðaltali á viku á tví- og þrískiptum vöktum.

- 2.6.2. Þeir, sem vinna á reglubundnum vinnuvöktum eða vinna hluta af vikulegri vinnuskyldu sinni utan dagvinnutímabils, skulu fá vaktaálag fyrir unnin störf á þeim tíma, er fellur utan venjulegs dagvinnutímabils.
- 2.6.3. Þar sem unnið er á reglubundnum vinnuvöktum, skal varðskrá, er sýnir væntanlegan vinnutíma hvers starfsmanns, lögð fram mánuði áður en fyrsta vakt samkvæmt skránni hefst, nema samkomulag sé við starfsmenn um skemmri frest.
- 2.6.4. Sé varðskrá breytt vegna sérstakra ástæðna með minna en eins sólarhrings fyrirvara, skal bæta það með þriggja klst. yfirvinnukaupi. Sé fyrirvari 24 klst. til 168 klst. (1 vika) skal greiða 2 klst. í yfirvinnu.
- 2.6.5. Óheimilt er að skipuleggja vaktir á laugardögum og sunnudögum eða öðrum frídögum, nema með sérstöku samkomulagi við viðkomandi starfsmannafélag og/eða S.Í.B.
- 2.6.6. Vinnuvökur skulu vera 6-10 klst. og skulu líða minnst 10 klst. til næstu vinnuvöku. Breytingar frá þessu eru heimilar með samkomulagi starfsmanna og forráðmanna stofnunar og með skriflegu samþykki viðkomandi starfsmannafélags.
- 2.6.7. Starfsfólk í vaktavinnu hefur ekki sérstaka matar- og kaffitíma. Starfsmönnum er þó heimilt að neyta matar og kaffis við vinnu sína á vaktinni, ef því verður við komið starfsins vegna. Vegna takmörkunar þeirrar, sem að ofan greinir á matar- og kaffitímum, skal telja hverja vakt, sem unnin er til uppfyllingar vikulegri vinnuskyldu, 25 mínútum lengri en raunverulegri viðveru nam.

- 2.6.8. Vinni vaktavinnumenn yfirvinnu eða aukavakt, skal til viðbótar unnum tíma greiða 12 mínútur fyrir hvern unninn klukkutíma, nema starfsmaðurinn taki matar- og kaffitíma á vaktinni. Skulu þá þeir matar- og kaffitímar teljast til vinnutímans, allt að 12 mínútur fyrir hvern fullan unninn klukkutíma.
- 2.6.9. Á þrískiptum vöktum skulu greiddar 15 mínútur í samverutíma við hver vaktaskipti, enda yfirgefi starfsmaður ekki stöðu sína fyrr en eftir að vinnuvöku er lokið og næsti vaktahópur (vaktavinnumaður) hefur tekið við.
- 2.6.10. Starfsmenn, sem vinna reglubundna vaktavinnu, geta við 55 ára aldur fellt niður nætur- og útkallsvaktir, enda hafi þeir unnið a.m.k. 5 ár hjá stofnuninni á vöktum. Gæslustarf er undanskilið.

3. UM MATAR- OG KAFFITÍMA. FÆÐI OG MÖTUNEYTI.

3.1. Vinnuhlé í dagvinnu.

- 3.1.1. Matartími, 30 mínútur, skal vera á tímabilinu 11,30 - 13,30. Ef mötuneyti er ekki fyrir hendi, skal matartími vera ein klst, á sama tímabili án lengingar dagvinnutímabils.
- 3.1.2. Heimilt er að lengja, stytta eða fella niður matartíma með samkomulagi stofnunar og þeirra starfsmanna sem í hlut eiga, og stjórn starfsmannafélags.
- 3.1.3. Sé matartíma á dagvinnutímabili breytt samkvæmt 3.1.2. lýkur dagvinnutímabilinu þeim mun síðar eða fyrr.
- 3.1.4. Á venjulegum vinnudegi skal vera 20 mínútna kaffihlé síðdegis og telst það til vinnutímans.
- 3.1.5. Kaffitíma má lengja, stytta eða fella niður með sama hætti og matartíma.

- 3.1.6. Starfsmaður skal eiga rétt á fullri klukkustund í matarhléi, enda þótt mötuneyti sé til staðar, þegar heilsufarslegar ástæður krefjast þess, að mati trúnaðarlæknis stofnunar.

3.2. Vinnuhlé í yfirvinnu.

- 3.2.1. Sé unnin yfirvinna, skulu matartímar vera ein klst. á tímabilinu kl. 19,00 - 20,00 að kvöldi, kl. 03,00 - 04,00 að nóttu og kl. 11,30 - 13,30 á frídögum skv. gr. 2.3.2. Matartímar þessir á yfirvinnutímabili teljast til vinnutímans.

Matartímar í yfirvinnu hjá starfsmönnum sem vinna til kl. 19,15, skv. gr. 2.2.3., er að kvöldi frá kl. 19,15 til 20,15.

- 3.2.2. Sé unnin yfirvinna eða aukavakt, skulu kaffitímar vera kl. 21,00 - 21,20, 24,00 - 00,20, 05,40 - 06,00, 07,40 - 08,00. Kaffi- og matartímar í yfirvinnu á tímabilinu kl. 08,00 - 17,00 skulu vera þeir sömu og í dagvinnu.

3.3. Fæði og mötuneyti.

- 3.3.1. Starfsmenn skulu hafa aðgang að matstofu, þar sem því verður fyrir komið og samstaða er um hjá hlutaðeigandi starfsfólki og forráðamönnum vinnustaðar.

4. UM ORLOF.

4.1. Lengd orlofs.

- 4.1.1. Lágmarksorlof skal vera 24 vinnudagar. Starfsmaður sem hefur unnið hluta af fullu starfi eða hluta úr ári skal fá orlof í tvo vinnudaga fyrir hvern unninn mánuð.

4.1.2. Þeir, sem starfað hafa í 10 ár eða eru orðnir 35 ára að aldri, fá þó leyfi 27 vinnudaga á ári, og þeir, sem starfað hafa í 15 ár eða eru komnir yfir fimmtugt, fá leyfi 30 vinnudaga á ári. Starfsmenn í 102. - 111. launaflokki fá leyfi 27 vinnudaga, og starfsmenn í 112. launaflokki og ofar fá leyfi 30 vinnudaga á ári, án tillits til aldurs eða starfsaldurs.

4.1.3. Starfsaldur til orlofs skal metinn á sama hátt og starfsaldur til launa, sbr. gr. 1.1.4. og 1.1.7.

4.2. Orlofsfé og orlofsframlag.

4.2.1. Starfsmaður skal fá 10,17% orlofsfé á yfirvinnu og álagsgreiðslur skv. samningi þessum. Við 10 ára starfsaldur eða 35 ára aldur skal hann fá 11,59%. Við 15 ára starfsaldur eða 50 ára aldur skal hann fá 13,04%. Starfsmenn í launaflokki 102 - 111 fá þó 11,59% og í 112 launaflokki og ofar 13,04% án tillits til aldurs eða starfsaldurs. Ákvæði þessara greina skulu þó ekki skerða orlofsrétt þeirra, sem á síðasta orlofsári voru í launaflokkum 101 og 111.

4.2.2. Greiða skal hverjum starfsmanni 1.júní ár hvert orlofsframlag, sem er 4,0% af föstum launum liðins orlofsárs, miðað við laun samkvæmt launaflokki 131.

Auk þessa greiðist 1.júní 1989 sérstök orlofsuppbót kr. 6.500,00 er miðast við fullt starf næstliðið orlofsár. Greitt skal hlutfallslega fyrir hluta úr starfi.

4.2.3. Starfsmaður, sem unnið hefur hluta úr ári eða hluta úr fullu starfi, skal fá greitt orlofsframlag hlutfallslega.

4.3. Orlofsár.

4.3.1. Orlofsárið er frá 1.maí til 30.apríl.

4.4. Orlofstími.

4.4.1. Orlofstími er að jafnaði frá 15.maí til 30.september.

4.4.2. Starfsmenn, sem nota orlofstíma sinn eða hluta af honum á tímabilinu frá 1.október til 14.maí fá hann lengdan um 1/4 hluta.

4.5. Ákvörðun orlofs.

4.5.1. Yfirmaður ákveður í samráði við starfsmenn, hvenær orlof er tekið og sé hugað að orlofstöku fyrir upphaf orlofsárs og unnið tímanlega að skipulagningu hennar. Hann skal taka tillit til óska starfsmanna um, hvenær orlof skuli tekið, að svo miklu leyti, sem unnt er vegna starfseminnar. Yfirmaður skal að lokinni könnun á vilja starfsmanna tilkynna svo fljótt sem unnt er og í síðasta lagi mánuði fyrir byrjun orlofs, hvenær orlof skuli hefjast, nema sérstakar ástæður hamli. Störf þeirra, sem njóta leyfis, inna aðrir starfsmenn af hendi.

4.5.2. Þegar starfsmaður í vaktavinnu fer í orlof, skal hann fá óyggjandi upplýsingar um hvenær hann skuli mæta á vakt að orlofi loknu og skal þá að jafnaði miða við, að varðskrá haldist óbreytt.

4.6. Veikindi í orlofi.

4.6.1. Veikist starfsmaður í orlofi telst sá tími, sem veikindum nemur, ekki til orlofs, enda sanni starfsmaður veikindi sín með læknisvottorði.

4.7. Frestun orlofs.

4.7.1. Orlof má aðeins geyma milli ára með sérstöku samkomulagi við starfsmannastjóra, enda sé þá geymt orlof almennt ekki tekið á tímabilinu desember - janúar. Starfsmenn taki þó orlof árlega eins og tilskilið er og geymdu orlofi fyrra árs lokið hvert sinn.

4.7.2. Nú tekur starfsmaður ekki orlof eða hluta af orlofi samkvæmt beiðni yfirmanns síns og geymist þá orlofið til næsta árs samkvæmt 4.7.1. Starfsmönnum er óheimilt að taka vinnu í stað orlofs.

4.7.3. Komi maður úr öðru starfi án þess að hafa notið áunnins orlofs, þá á hann rétt á launalausn leyfi, þar til fullu orlofi er náð.

4.8. Orlofsréttur eftir látinn starfsmann.

4.8.1. Greiða skal maka, börnum eða öðrum, er látinn starfsmaður hafði á framfæri sínu, áunnin orlofsréttindi hans. Annars skal orlof ganga til dánarbúsins.

5. FERÐIR OG GISTING.

5.1. Ferðakostnaður skv. reikningi.

5.1.1. Kostnaður vegna ferðalaga innanlands á vegum banka skal greiðast eftir reikningi, enda fylgi fullnægjandi frumgögn. Sama gildir, ef hluti vinnudags er unninn svo langt frá föstum vinnustað, að starfsmaður þarf að kaupa sér fæði utan heimilis eða fasts vinnustaðar.

5.1.2. Starfsmenn skulu fá fyrirframgreiðslu áætlaðs ferðakostnaðar.

5.2. Dagpeningar innanlands.

5.2.1. Einnig má greiða gisti- og ferðakostnað með dagpeningum, sé um það samkomulag eða ekki unnt að leggja fram reikninga.

5.2.2. Dagpeningar á ferðalögum innanlands skulu ákveðnir af nefnd skv. gr. 5.8.1.

5.3. Greiðsluháttur.

5.3.1. Fyrirfram skal af banka og starfsmanni ákveðið, hvaða háttur á greiðslu ferðakostnaðar skal viðhafður hverju sinni.

5.4. Akstur til og frá vinnu.

5.4.1. Hefjist vinnutími starfsmanns eða ljúki á þeim tíma, sem almenningsvagnar ganga ekki, skal honum séð fyrir ferð eða greiddur ferðakostnaður.

5.4.2. Heimilt er einstökum félögum að semja nánar um, hvernig ákvæði greinar þessarar skuli framkvæmd í einstökum tilfellum.

5.5. Fargjöld erlendis.

5.5.1. Fargjöld á ferðalögum erlendis skulu greidd eftir reikningi, enda fylgi ávallt farseðlar.

5.6. Dagpeningar á ferðum erlendis.

5.6.1. Annar ferðakostnaður á ferðalögum erlendis greiðist með dagpeningum, sem skulu ákveðnir af nefnd, skv. 5.8.1.

5.6.2. Af dagpeningum á ferðalögum erlendis ber að greiða allan venjulegan ferðakostnað, annan en fargjöld, svo sem kostnað vegna leigubifreiða að og frá flugvöllum, fæði og húsnæði.

5.7. Dagpeningar vegna námskeiða.

5.7.1. Dagpeningar vegna námskeiða, þjálfunar- og eftirlitsstarfa greiðast eftir ákvæðum 5.2. eða 5.6. fyrstu 30 dagana, en dagpeningar umfram 30 daga á sama stað skulu ákveðnir af nefnd skv. 5.8.1.

5.8. Endurskoðunarnefnd.

- 5.8.1. Upphæð dagpeninga skv. samningi þessum skal ákveðin og endurskoðuð, þegar þörf er á og samningsaðili óskar þess. Endurskoðunin skal unnin af nefnd, er sé skipuð tveimur fulltrúum S.Í.B. og tveimur fulltrúum tilnefndum af bönkunum.
- 5.8.2. Nefnd þessi skal einnig endurskoða flokkun landa eftir dvalarkostnaði, svo og greiðslur fyrir afnot eigin bifreiða starfsmanna, sé notkun þeirra nauðsynleg vegna starfsins.
- 5.8.3. Náist ekki samkomulag, skal oddamaður tilnefndur af Hagstofu Íslands.

5.9. Heimflutningur fjarri vinnustað.

- 5.9.1. Þegar starfsmaður vinnur fjarri reglulegum vinnustað, skal hann eiga rétt á ókeypis flutningi í vinnutíma til og frá heimili sínu eins og hér segir:
- Daglega, ef vegalengd frá tímabundnum vinnustað til reglulegs vinnustaðar eftir aðalleið er 30-60 km.
 - Vikulega, ef sú vegalengd er 61-150 km.
 - Hálfsmánaðarlega, ef sú vegalengd er 151 km. eða meira. Starfsmanni skal tryggt eigi skemmra frá en 48 klst. milli ferða samkvæmt lið b) og c).

6. AÐBÚNAÐUR OG HOLLUSTUHÆTTIR.6.1. Um þennan málaflokk fari að lögum nr. 46/1980.7. TRYGGINGAR - GREIÐSLA Á LAUNUM Í VEIKINDAFORFÖLLUM - FÆÐINGARORLOF.7.1. Tryggingar.

- 7.1.1. Starfsmenn skulu slysatryggðir fyrir dauða eða vegna varanlegrar örorku.

7.1.2. Dánarslysabætur verða:

- Ef hinn látni er ógiftur og lætur ekki eftir sig barn (börn) og hefur ekki séð fyrir öldruðu foreldri 67 ára eða eldri, kr. 281.700,00.
- Ef hinn látni er ógiftur, en lætur eftir sig barn (börn) undir 18 ára aldri og/eða hefur sannanlega séð fyrir foreldri eða foreldrum (67 ára og eldri), kr. 904.400,00.
- Ef hinn látni var í hjúskap, skulu bætur til maka vera kr. 1.245.000,00. Hafi starfsmaður ekki verið í hjúskap en verið í óvígðri sambúð, skal sambúðaraðili eiga rétt til bóta, eins og um hjúskap væri að ræða, enda hafi sambúðaraðili sannanlega haldið heimili með hinum látna um árabíl, þó eigi skemur en 2 ár fyrir andlát hans.
Ef hinn látni lætur ekki eftir sig maka, en einstæð móðir hans, ógift systir hans eða annar ógiftur aðili hefur sannanlega annast heimili hans um árabíl fyrir andlát hans, þó eigi skemur en 4 ár, skal greiða hliðstæðar bætur, kr. 904.400,00.
- Ef hinn látni lætur eftir sig barn (kjörbarn, fósturbarn) innan 18 ára aldurs, fyrir hvert barn kr. 235.400,00. Sama rétt til bóta hefur barn (kjörbarn, fósturbarn) hins látna á aldrinum 18-25 ára, er stundar nám í framhaldsskóla eða á háskólastigi í a.m.k. 6 mánuði ársins.
Bætur greiðast aðeins samkvæmt einum af tölulíðum nr. 1, 2 og 3. Til viðbótar með tölulíðum nr. 2 og 3 geta komið bætur skv. tölulíð 4.

Rétthafar dánarbóta eru:

- 1) Lögerfingjar.
- 2) Viðkomandi aðilar að jöfnu.
- 3) Eftirlifandi maki eða sambúðaraðili.
- 4) Viðkomandi börn, en greiðist til eftirlifandi maka ef hann er annað foreldri, ella til skiptaráðanda og/eða fjárhaldsmanns.

- 7.1.3. Bætur vegna varanlegrar örorku greiðast í hlutfalli við váttryggingarupphæðina kr. 2.638.300,00, þó þannig, að hvert örorkustig 25-50% verkar tvöfalt og hvert örorkustig frá 51% til 100% verkar þrefalt.
- 7.1.4. Tryggingarfjárhæðir verði endurskoðaðar tvisvar á ári, 1.janúar og 1.júlí og hækki þá sem nemur breytingum á framfærsluvísitölu. Grunnvísitala miðað við framangreindar tölur er 387 stig.
- 7.1.5. Ákvæði þessi valda í engu skerðingu á áður umsömdum hagstæðari tryggingarrétti launþega.
- 7.1.6. Váttryggingin tekur gildi um leið og tryggingarskyldur launþegi kemur á launaskrá (hefur störf) en fellur úr gildi um leið og hann fellur af launaskrá (hættir störfum). Tryggingin gildir einnig í launalaus leyfi, nema starfsmaður taki á tímabilinu launað starf hjá öðrum aðila.
- 7.1.7. Skilmálar séu almennir skilmálar, sem í gildi eru fyrir atvinnuslysatriyggingar launþega hjá Sambandi ísl. tryggingarféлага, þegar samkomulag þetta er gert.
- 7.1.8. Tryggingin gildir allan sólarhringinn. Takmarkanir á bótaskyldu, sem um getur í tryggingarskilmálum, falla niður þegar starfsmaður er við störf sín eða á ferðalagi þeirra vegna, nema tjón hljótist af ásetningi eða stórkostlegu gáleysi starfsmannsins.

- 7.1.9. Starfsmaður missir eigi rétt sinn til bóta samkvæmt þessari tryggingu þó hann sé tryggður annars staðar. Undanskildar eru þó ferðaslysatriyggingar, er bankarnir kaupa vegna starfsmanna sinna.
- 7.1.10. Verði vinnuveitandi skaðabótaskyldur gagnvart launþega, sem slysatriygður er samkvæmt samningi þessum, skulu slysabætur, sem greiddar kunna að vera til launþega skv. ákvæðum samnings þessa, koma að fullu til frádráttar þeim skaðabótum, er vinnuveitanda kanna að vera gert að greiða.
- Dagpeningar greiðast til vinnuveitanda, meðan kaupgreiðsla varir samkvæmt samningi.
- 7.1.11. Starfsmenn skulu njóta hóplíftryggingar skv. samningi S.Í.B. og samninganeftndar bankanna. Hóplíftryggingin nær til fastráðinna starfsmanna bankastofnana, sem hverju sinni eru á launaskrá viðkomandi bankastofnunar og taka laun eftir kjarasamningi starfsmanna bankanna. Um trygginguna gilda ákvæði samkomulags um hóplíftryggingar dags. 24.september 1982. Tryggingarfjárhæðir eru hinar sömu og um getur í grein 7.1.2. og skulu endurskoðaðar tvisvar á ári.
- Öðrum atriðum varðandi tryggingakafla kjarasamnings verði vísað til nefndar beggja aðila sem skal ljúka störfum á samningstímanum.

7.2. Ferðatriyggingar.

- 7.2.1. Veikist starfsmaður eða deyi á ferðalagi á vegum stofnunarinnar, greiðir bankinn þann beina kostnað, sem af því hlýst.

7.2.2. Tynist farangur starfsmanns eða honum er stolið á ferðalagi á vegum stofnunarinnar, skal hún bæta tjónið.

Stofnunin gengur inn í og nýtur þeirra trygginga, sem tjónþoli býr við.

7.3. Persónulegir munir.

7.3.1. Verði starfsmaður fyrir tjóni á fötum eða persónulegum munum sínum við vinnu sína eða á ferðalögum á vegum banka, skal honum bætt tjónið að fullu, svo fremi að ekki sé um að kenna augljósu gáleysi starfsmanns.

7.4. Slys á vinnustað.

7.4.1. Bankinn skal bæta starfsmönnum beint og sannanlegt tjón eða útgjöld, sem þeir kunna að verða fyrir af völdum slyss á vinnustað og slysatryggingar almannatrygginga bæta ekki.

7.5. Um fjarvistir vegna veikinda.

7.5.1. Ef starfsmaður veikist og getur af þeim sökum ekki sótt vinnu, skal hann þegar tilkynna það yfirmanni sínum og verður þá ákveðið, hvort læknisvottorðs skuli krafist.

7.5.2. Verði fastráðinn starfsmaður veikur, þá heldur hann launum sínum óskertum, er veikindi hans vara eigi lengur en 3 mánuði á 12 mánuðum. Sé hann vegna veikinda ófær til starfa í bankanum lengur en 3 mánuði á 12 mánuðum, lækka laun hans um helming þann tíma, sem umfram er. Þegar veikindi hans hafa varað í 6 mánuði af 12 mánuðum, fellur launagreiðsla niður. Fyrir starfsmenn, sem náð hafa 10 ára starfsaldri, lengist 3ja mánaða fresturinn upp í 4 mánuði og 6 mánaða fresturinn upp í 8 mánuði. Fyrir starfsmenn, sem náð hafa 15 ára starfsaldri eða lengri, lengist 3ja mánaða fresturinn upp í 6 mánuði og 6 mánaða fresturinn upp í 12 mánuði. Starfsmaður, sem

náð hefur 20 ára starfsaldri á rétt til óskerta launa í 12 mánuði, en þá fellur launagreiða niður.

7.5.3. Lausráðnir starfsmenn eiga rétt til fullra launa í 30 daga og hálfra launa í aðra 30 daga.

7.5.4. Til óskertra launa teljast, auk fastra mánaðarlauna samkvæmt kjarasamningi, greiðsla fyrir reglubundna yfirvinnu og vaktaálag, enda hafi vinnuframlag eða vinnutími verið ákveðið með reglubundinni varðskrá. Ákvæði þessara málsgreinar taka einnig til annarrar reglubundinnar yfirvinnu, sem staðið hefur í 12 almanaksmánuði eða lengur eða er ætlað að standa a.m.k. svo lengi.

7.5.5. Þegar starfsmaður hefur verið fjarverandi vegna veikinda samfellt lengur en svarar til 1 viku vinnuskylda hans, skal hann auk fastra launa, sem greidd eru skv. gr. 7.5.2. - 7.5.4., fá greidda þá yfirvinnu, sem hann sannanlega hefði unnið og ekki stafar af fjarveru hans.

7.5.6. Verði starfsmaður óvinnufær af völdum slyss á vinnustað eða á leið til og frá vinnu, greiðast laun skv. sömu reglum og greinir í 7.5. frá upphafi fjarvistanna.

7.5.7. Um starfsmenn, sem verða að hætta starfi vegna varanlegrar örorku, fer eftir ákvæðum reglugerðar um eftirlaunasjóði starfsmanna bankanna eftir því sem við á.

7.5.8. Hver banki ræður lækni til þess að annast nauðsynlegt eftirlit með heilbrigði og heilsuvernd starfsmanna, og er hann jafnframt trúnaðarlæknir bankastjórnar, einnig að því er varðar framkvæmd eftirlits með fjarvistum vegna veikinda.

7.5.9. Við andlát fastráðins starfsmanns skal greiða eftirlifandi maka eða börnum hans til 18 ára aldurs, sem svarar 4ra mánaða launum hins látna, talið frá næstu mánaðamótum eftir andlátíð.

7.6. Um fæðingarorlof.

7.6.1. Vegna barnsburðar skal fastráðin kona eiga rétt á að vera fjarverandi í 5 mánuði og skal hún njóta fullra launa fyrstu þrjú mánuðina. Þetta leyfi lengist í 6 mánuði frá 1. janúar 1990 og gildir sú lenging fyrir konur er hófu töku fæðingarorlofs eftir 1. ágúst 1989, sbr. lög nr. 59/1987.

Ef um tvíburafæðingu er að ræða skal fæðingarorlof lengjast um einn mánuð og einn mánuð fyrir hvert barn að auki, ef fleiri börn fæðast í einu. Skal konan njóta fullra launagreiðslna frá banka ef fæðingarorlof lengist af þessum sökum.

Ennfremur framlengist fæðingarorlof á fullum launum um einn mánuð, sé um að ræða alvarlegan sjúkleika barns, sem krefst nánari umönnunar foreldris. Slik þörf skal rökstudd með læknisvottorði og staðfest af trúnaðarlækni. Skal við uppgjör á yfirvinnu farið eftir ákvæðum um veikindi skv. grein 7.5. Séu lengri frátafir nauðsynlegar að dómi trúnaðarlæknis, skal meta þær eftir ákvæðum um veikindadaga sbr. grein 7.5.

Ef fastráðin kona óskar vegna barnsburðar að taka lengra fæðingarorlof en að framan greinir án launa, skal viðkomandi banki leitast við að verða við þeirri ósk.

7.6.2. Ákvæði um fæðingarorlof gildi, ef kona tekur kjörbarn, og tekur það gildi um leið og tekið er við barninu í föstur.

7.6.3. Engin kona fái lægri heildargreiðslur í fæðingarorlofi en kveðið er á um í lögum um fæðingarorlof nr. 59/1987.

8. UM VINNUFÖT.8.1. Einkennisföt.

8.1.1. Beri starfsmaður, svo sem verðir, sérstakan einkennisfatnað vegna starfsins, skal hann fá hann sér að kostnaðarlausu.

8.2. Hlífðarföt.

8.2.1. Séu hlífðarföt nauðsynleg í starfi, t.d. vinnusloppar, skulu þeir látnir í té endurgjaldslaust.

9. AFLEYSINGAR.9.1. Staðgenglar.

9.1.1. Sé aðalstarf starfsmanns launað sem staðgengilsstarf yfirmanns í auglýstri stöðu, ber honum laun skv. launaþrepi yfirmannsins fyrir allan þann tíma sem hann gegnir starfinu umfram orlof yfirmannsins á yfirstandandi orlofsári.

Starfsmaður, sem ekki er staðgengill yfirmanns í auglýstri stöðu, en er falið sérstaklega að gegna starfi hans í forföllum, eða starfi annars herra launaðs starfsmanns í auglýstri stöðu, skal taka laun skv. launaþrepi hins forfallaða allan þann tíma, er hann gegnir starfi hans.

Við framkvæmd á þessari grein skal sú regla gilda, að ofangreindur launamismunur komi til greiðslu mánaðarlega, ef fyrrisjáanlegt er að yfirmaður verði fjarverandi í a.m.k. tvo mánuði samfellt, annars í árslok.

10. FRÆDSLUMÁL, LEYFI - ENDURHÆFING - ATVINNULEYSISBÆTUR.10.1. Aukin fullorðinsfræðsla.

- 10.1.1. Aukin verði fullorðinsfræðsla og endurmenntun fyrir starfshópa og starfsmenn. Skal skólanefnd Bankamanna-skólans hafa forgöngu um námskeið á sem flestum sviðum. Einnig skal leggja áherslu á sérþjálfun.
- 10.1.2. Aðilar eru sammála um, að starfsemi Bankamannaskólans verði aukin og eflid í samræmi við samning um skólann. Fulltrúar S.Í.B. í stjórn skólans verði tveir.
- 10.1.3. Skólanefnd Bankamannaskólans og stjórn Sambands ísl. bankamanna skulu hafa forgöngu um námskeið á vegum skólans fyrir trúnaðarmenn starfsmanna.
- 10.1.4. Stjórn Sambands ísl. bankamanna og skólanefnd Bankamanna-skólans komi sér saman um skiptingu kostnaðar vegna fræðslustarfs skv. 10.1. í samræmi við 2. lið í grein I um starfsskipulag skólans og skal hún endurskoðast árlega, miðað við áramót.
- 10.1.5. Við undirbúning frekari tölvuvæðingar í bankakerfinu verði hugað vel að þjálfun og endurhæfingu starfslíðs og fái S.Í.B. aukið svigrúm til að móta þjálfunarstarfið í samstarfi við Bankamannaskólann.

10.2. Leyfi.

- 10.2.1. Starfsfólk, sem starfsins vegna hefur á því sérstaka þörf, getur hlotið leyfi um stundarsakir til fræðslu eða rannsóknarferða á vegum banka og fyrir þeirra tilstilli sbr. gr. 5.7. Jafnframt gefist starfsfólki kostur á leyfi frá starfi á eigin vegum með samkomulagi við bankastjórn.

10.3. Þjálfunarstarf.

Við meiri háttar tækni- og skipulagsbreytingar skal starfsfólk eiga kost á þjálfun til að mæta nýjungum í starfi sínu án þess að til beins kostnaðar komi hjá starfsmanni eða tekjutaps í bankanum.

Leggist niður störf eða fækki föstu starfsfólki við slíkar breytingar, skal leitast við að veita því önnur störf í bankanum með sambærilegum tekjumöguleikum og þá þjálfun sem þarf til að mæta hinu nýja starfi.

Þjóðist ekki slíkt starf, ábyrgist bankinn að viðkomandi njóti atvinnuleysisréttinda.

10.4. Atvinnuleysisbætur.

Bankarnir ábyrgjast að félagar S.Í.B. njóti atvinnuleysisbóta sambærilegra við annað launafólk, í samræmi við gildandi lög og framkvæmd þeirra á hverjum tíma. Bótaréttur yrði m.a. háður því skilyrði, að atvinnulaus starfsmaður hefði sannanlega ekki neitað annarri vinnu, sem boðist hefði, s.b.r. 21.gr. laga um atvinnuleysis-tryggingar og túlkun hennar á liðnum árum.

Sérstök nefnd, skipuð tveim fulltrúum S.Í.B. og tveim frá bönkunum ásamt oddamanni sem aðilar koma sér saman um, skal úrskurða um ágreining, sem upp kann að koma um greiðslu atvinnuleysisbóta.

Nefnd sammingsaðila skili tillögum um greiðslu atvinnuleysisbóta fyrir lok samningstímans.

11. UM RÁÐNINGAR Í STÖÐUR - FASTRÁÐNINGU OG UPPSAGNARFREST.11.1. Um ráðningar í stöður.

- 11.1.1. Þegar staða fulltrúa, féhirða eða stöður í 112. launaflokk og þar fyrir ofan losna eða eru ákveðnar, skulu þær auglýstar lausar til umsóknar með fjögurra vikna fyrirvara í viðkomandi banka og tilkynning send skrifstofu S.Í.B. Í auglýsingu skal þess getið, hvaða starfsheiti skv. grein 1.6. hin auglýsta staða til-

heyrir. Heimilt er að stytta umsóknarfrest að fengnu samþykki formanns starfsmannafélagsins.

Ákvæði þessarar greinar gildir einnig um stöður aðstoðarbankastjóra og aðrar hliðstæðar stöður.

11.1.2. Formanni starfsmannafélags er heimilt að fá uppgefin nöfn umsækjenda að liðnum umsóknarfresti.

Óski umsækjendur nafnleyndar er formanni starfsmannafélags heimilt að fá uppgefin nöfn þeirra sem algjört trúnaðarmál, enda sé viðkomandi umsækjendum greint frá því.

Sé ekki ráðið í stöðu innan 30 daga, verði hún auglýst á ný. Umsækjendum skal tilkynnt bréflaga um niðurstöðu. Heimilt er að vikja frá ákvæðum þessarar greinar að fengnu samþykki formanns starfsmannafélagsins.

11.1.3. Bankastarfsfólk skal að jafnaði sitja fyrir við ráðningu í stöður þessar.

11.1.4. Starfsmenn mega ekki, án leyfis bankastjórnar, reka atvinnu né vera umboðsmenn annarra gagnvart bankanum.

11.2. Um reynslutíma, fastráðningu og uppsagnarfrest.

11.2.1. Það skal vera aðalregla, að nýir starfsmenn séu ráðnir til reynslu í sex mánuði. Stytta má reynslutíma. Strax að loknum reynslutíma skal tekin ákvörðun um fast-ráðningu. Við fastráðningu skal gera skriflegan ráðningarsamning.

11.2.2. Gagnkvæmur uppsagnarfrestur fastráðinna starfsmanna er þrjú mánuðir frá byrjun næsta mánaðar að telja. Uppsögn skal vera skrifleg. Starfsmanni, sem starfað hefur a.m.k. í 10 ár í banka og náð hefur 45 ára aldri, verður þó ekki sagt upp með skemmri uppsagnarfresti en sex mánuðum.

11.2.3. Starfsmanni, sem sagt er upp starfi, skal veittur kostur á að tala sínu máli, áður en lokaákvörðun um uppsögn er tekin. Formanni viðkomandi starfsmannafélags skal gefinn kostur á að fylgjast með málsmeðferð.

11.2.4. Hafi starfsmaður brotið starfsreglur bankans í verulegu atriði, má vikja honum úr starfi fyrirvaralaust og fellur þá launagreiðsla niður þegar í stað. Formanni hlutaðeigandi starfsmannafélags skal gefinn kostur á að fylgjast með málsmeðferð.

11.2.5. Nýir starfsmenn skulu ljúka námi við Bankamannaskólann, nema annað sé ákveðið. Stefnt skal að því, að allir nýliðar ljúki nýliðanámi á fyrsta starfsári sínu.

Nám í Bankamannaskólanum verði samfelldara en það er í dag, sérstaklega nýliðanámið. Til að tryggja nýliðum betur að þeir fái að fara í nýliðanam skólans, verði boðun námsins hér eftir í höndum skólans í samvinnu við viðkomandi banka.

11.2.6. Gagnkvæmur uppsagnarfrestur lausráðinna starfsmanna er tveir mánuðir frá byrjun næsta mánaðar að telja. Uppsögn skal vera skrifleg.

12. ÝMIS ÁKVÆÐI.

12.1.1. Samvinna um skipulags- og tæknimál.

Samvinna skal ríkja milli stjórnenda og starfsmanna, sem miðar að góðri starfsaðstöðu og starfsöryggi og tryggt gæti árangursríkt starf, en um leið eftt rekstur viðkomandi banka.

Með samvinnu þessari skal tryggt hverju sinni, að sjónarmið starfsmanna komi fram.

Leitað skal samkomulags milli banka annars vegar og viðkomandi starfsmannafélags og/eða S.Í.B. hins vegar um breytingar á skipulagi, svo sem tæknivæðingu, opnunartíma, umhverfi, starfsaðstöðu, fræðslumálum og starfsþjálfun, enda varði þessi atriði umtalsverðan fjölda starfsfólks á hverjum vinnustað.

Banki greini starfsmannafélagi og/eða S.Í.B. frá fyrirhuguðum breytingum þegar á umræðustigi, og verði fulltrúi starfsmanna hafður með í ráðum.

12.1.2. S.Í.B. fái svigrúm til að fylgjast með og hafa áhrif á undirbúning að tækni- og tölvuvæðingu bankanna, enda hafi hún áhrif á umfang og eðli starfa félagsmanna S.Í.B. S.Í.B. skal hafa rétt til að tilnefna fulltrúa í vinnuhópa eða nefndir sem vinna að sameiginlegum verkefnum bankanna á þessu sviði.

Þegar fyrirhugaðar tæknibreytingar eru bundnar við einstaka banka komi fulltrúi stjórnar starfsmannafélags inn í umræðu og undirbúning tæknibreytinga þegar á byrjunarstigi.

Reynt skal að fyrirbyggja að tækniþróun leiði til nýrra atvinnusjúkdóma. Bankarnir greiða allan kostnað við nauðsynlega lækni- og augnskoðun, svo sem augnskoðun þeirra starfsmanna, sem vinna við tölvuskjá, eigi sjaldnar en einu sinni á ári. Bankarnir greiða læknisvottorð starfsmanna.

12.2. Launaseðill.

12.2.1. Við greiðslu launa til starfsmanns á hann rétt á að fá launaseðil merktan nafni sínu. Á launaseðli skulu tilgreind föst laun starfsmanns það tímabil, sem greiðslan tekur til, fjöldi yfirvinnustunda og sundurliðun einstakra tekna- og frádráttarliða, sem leiða til útgreiddrar launafjárhæðar.

12.3. Skilgreining.

12.3.1. Þar sem orðið "banki" er notað í kjarasamningi þessum, er átt við stofnanir þær, sem félagar S.Í.B. vinna hjá, og eru aðilar að samningi þessum, hvort sem þær eru bankar, sparisjóðir eða þjónustustofnanir í eigu einstakra banka eða fleiri banka í sameiningu.

12.4. Lágmarkskjör.

12.4.1. Kjör samkvæmt kjarasamningi þessum eru lágmarkskjör.

12.4.2. Enginn starfsmaður skal lækka í launaflokki eða öðrum kjörum frá því sem nú er samkvæmt samningi þessum eða sérsamningum. Hafi starfsmaður betri kjör en í samningi þessum greinir, skulu þau haldast.

12.5. Starfsreglur.

12.5.1. Bankarnir geta hver fyrir sig sett nánari starfsreglur fyrir starfsmenn sína og skal samræma þær. Leita skal umsagnar stjórnar S.Í.B., áður en þær taka gildi.

12.5.2. Starfsmönnum er stranglega bannað að skýra óviðkomandi frá málefnum bankans eða nokkru, sem snertir viðskipti einstakra manna, stofnana eða fyrirtækja við hann. Þagnarskyldan helst, þótt látið sé af starfi.

12.6. Um trúnaðarmenn o.fl.

12.6.1. Stjórnarmenn starfsmannafélaga og S.Í.B. hljóti hæfilegan frítíma á óskertum launum til nauðsynlegrar þátttöku í fundum, er snerta störf þeirra sem slíkra, og sé slíkt leyfi tekið í fullu samráði við viðkomandi yfirmann, enda valdi það sem minnstri röskun á starfsemi bankans. Trúnaðarmönnum á vinnustað og formanni starfsmannafélags er heimilt að rækja félagsleg störf sín í vinnutíma og skal honum sköpuð starfsaðstaða með aðgangi að síma og til að ræða einslega við starfsmenn.

12.7. Um lífeyrissjóði.

12.7.1. Aðilar eru sammála um að fara fram á það við stjórnir lífeyrissjóða ríkisbankanna og viðkomandi sjóðfélaga, að við endurskoðun á reglugerðum lífeyrissjóðanna verði tekin upp 95 ára lífeyrisregla. Aðrir bankar með 8 starfsmenn eða fleiri tryggi áfram sambærileg réttindi og batur til handa sínum starfsmönnum og starfsmenn ríkisbankanna njóta.

12.8. Nefndir.

- 12.8.1. Sameiginleg nefnd aðila endurskoði tryggingarkafla kjarasamningsins gr. 7.1. og ljúki störfum fyrir 31.des.1989.
- 12.8.2. Unnið verði sérstaklega að jafnréttismálum, samkvæmt samkomulagi jafnréttisnefnda sammingsaðila, dags. 27.4.1987. (Fylgiskjal 1).
- 12.8.3. Aðilar eru sammála um að stefna þurfi að því, að á hverjum tíma séu starfandi í bönkum og sparisjóðum hæfir og vel menntaðir starfsmenn. Æskilegt er að fleiri en nú er, veljist til starfa í bönkunum vegna þess að þeir hafi áhuga á að gera bankastörf að ævistarfi. Þess vegna er lagt til að kannað verði hvort ekki sé æskilegt að taka upp sammingsbundna grunnþjálfun fyrir nýliða, þar sem því verður við komið. Þeir, sem ráða sig til bankanna um ákvæðið tímabil, t.d. 2-3 ár, fái annars vegar ítarlegri fræðslu en nú er veitt í nýliðanámi Bankamannaskólans og hins vegar kerfisbundna starfsþjálfun innan bankanna.
- 12.8.4. Bankarnir munu hver um sig endurskoða öryggisreglur sínar í samráði við viðkomandi starfsmannafélög að því er varðar öryggi starfsmanna. Tryggja skal að starfsmenn fái reglubundna þjálfun og að reglum þessum verði framfylgt.

12.9. Ákvæði um sjálfsafgreiðsluvélar og beinlínuvinnslu.

- 12.9.1. Áfyllingar sjálfsafgreiðsluvéla skulu fara fram í daglegum vinnutíma sbr. gr. 2.1. Þrátt fyrir ákvæði l.mgr. er heimilt til að koma í veg fyrir að afgreiðsluvél tæmist, að áfylling og önnur almenn þjónusta fari fram utan daglegs vinnutíma. Þessar aðgerðir skulu framkvæmdar í samræmi við gildandi öryggisreglur viðkomandi banka.
- 12.9.2. Vinna við almenna þjónustu utan daglegs vinnutíma skal innt af hendi samkv. samkomulagi eiganda sjálfafgreiðsluvélar og hlutaðeigandi starfsmanna viðkomandi banka. Náist ekki samkomulag milli starfsmanna og banka er heimilt að kalla út einstaka starfsmenn - þó ekki oftari en 12 sinnum á ári, hvern starfsmann.
- 12.9.3. Um greiðslur fyrir vinnu samkv. tölulið 2, fer samkv. gr. 2.3.4.
- 12.9.4. Stefnt skal að því markmiði, er kemur fram í þróunaráætlun vegna beinlínuvæðingar bankanna, að starfsmönnum verði gefinn kostur á fjölbreyttu og þroskandi starfi ásamt aukinni menntun. Þeir starfsmenn sem færast milli starfa fyrir áhrif nýrrar tækni, fái nægilegan undirbúning og jafnframt verði leitað eftir samþykki starfsmanns á nýju starfi. Vegna þess aukna álags er ætla má að gjaldkerar við afgreiðslu muni búa við, eftir að afgreiðslustaður tengist Reiknistofu bankanna með beinni línu, þá skal greiða þessum starfsmönnum sérstaka álagsgreiðslu. Þessi greiðsla skal innt af hendi í einu lagi 3 mánuðum eftir að afgreiðslustaður hóf beinlínuvinnslu. Upphæð greiðslunnar skal vera 54% af einum mánaðarlaunum skv. 091 og reiknist sem eingreiðsla fyrir hvern kassa.

13. UM GILDISTÍMA.13.1. Gildistími.

- 13.1. Samningur þessi gildir frá 15.febrúar 1989 til 31.desember 1989.

14. BÓKANIR.14.1. Bókanir.

- 14.1.1. Laun vegna "transitvaktu" breytast í samræmi við sérstakt samkomulag frá 27.mai 1987.
- 14.1.2. Aðilar eru sammála um að fela skólanefnd Bankamanna-skólans að gera tillögur um hvernig nám í Bankamanna-skólanum verði metið til námseininga og með hvaða hætti slíkt námsmat hafi áhrif á röðun í launaflokka, starfsaldurálög og framgang í starfi.
Skólanefndin skili álitni fyrir lok samningstímans.
- 14.1.3. Bankinn greiðir fæðingastyrk við barnsburð. Greiðslan skal nema kr. 25.000,00 og breytist frá og með 1.september 1989 skv. gr. 1.1.2. Aðilar eru sammála um að leita aðildar að nefnd þeirri er forsætisráðherra hefur heitið að skipa til að ná því marki að konur hvar sem þær eru í starfi njóti jafnréttis hvað varðar fæðing-arorlof.

F.h. samninganefndar
bankanna

F.h. samninganefndar
Sambands isl. bankamanna.

Pjóni Lúðvinnu
Erna Halldórs
Hanna Tómas
Linda Ág.
Pjetur Lúðvinnu
Jóns Ólafsson
Þórunn
Þórunn
Pjetur Lúðvinnu

Yngvi Einar Kurtsson
Fredrik & Tómas Tómas
Hanna Rúnarson Svendsdóttir
Jónas Þor Indrið
Jón Þor Indrið
Ólafur Gunnarsson
Stefnir Gunnarsson
Þórunn Stefínsson
Þórunn Stefínsson

Fylgiskjal 1.

27/4 1987

Jafnréttisnefnd Sambands ísl. bankamanna og Samninganefndar bankanna.

Jafnréttisnefnd hefur fjallað um þau atriði í kröfugerð S.Í.B. sem samninganefndir S.Í.B. og bankanna vísuðu til hennar.

1. Vísað er til launakönnunar NBU er fór fram í janúar 1986, sem sýnir að laun karla hafi, þegar könnunin fór fram, verið 13,7% hærrí en laun kvenna í íslenskum bönkum, þegar engum öðrum mun en kynferði hefði verið til að dreifa.

Nefndin telur rétt að beina því til samninganefndanna að kanna þessar niðurstöður NBU, og hverjar séu ástæður hennar.

2. Konur eru í miklum meirihluta starfsmanna bankanna. Jafnframt eru þær í miklum minnihluta í ábyrgðarstöðum og um leið í minnihluta í efstu launaflokkum banka-kerfisins.

Fram hefur komið í athugun starfsmannafélaga bankanna sem fram fór haustið 1986 að fáar og oft engar konur sækja um æðstu og þá jafnframt hæst launuðu störf í bankakerfinu. Ekki liggja fyrir öruggar ástæður þessa en fram hafa komið þær skoðanir að ástæðurnar séu einkum þrjár: A) Ábyrgð á heimili og börnum. B) Skortur á sjálfstrausti. C) Fjöldi kvenna í hlutastörfum. Nefndin er sammála um að frekari könnun fari fram á þessu máli og leggur til að unnið verði að úrbótum m.a. með því að:

1. Efla menntun bankastarfsmanna, og auka framsækni, með ábyrgðar og stjórnunarstörf í huga.
2. Til greina kemur að halda sérstök námskeið fyrir konur, til þjálfunar í stjórnunarstörfum.
3. Hvetja starfsfólk til þess að líta á bankastörf sem fullt starf með mikla framtíðarmöguleika.

Markmiðið skal vera að allt starfsfólk njóti sömu kjara fyrir sömu vinnu.

Lög nr. 34 1977, um kjara- samninga starfsmanna banka í eigu ríkisins

1. gr.

Lög þessi taka til allra starfsmanna, annarra en bankastjóra og aðstoðarbankastjóra, sem ráðnir eru til lengri eða skemmi tíma í þjónustu banka í eigu ríkisins, enda verði starf þeirra talið aðalstarf.

Laun og önnur starfskjör starfsmanna, er lög þessi taka til, skulu ákveðin með kjarasamningum milli aðila þeirra, er um ræðir í 2. gr.

2. gr.

Bankaráð þeirra banka, sem greindir eru í 1. gr., fara með fyrirvar bankanna við gerð og framkvæmd kjarasamninga. Þau skulu skipa sameiginlega nefnd, til að fara með samninga af sinni hendi.

Samband íslenskra bankamanna fer með fyrirvar bankastarfsmanna við gerð og framkvæmd kjarasamninga. Sambandið skal skipa nefnd til að fara með samninga af sinni hendi.

Tilkynna skal viðskiptaráðherra eigi síðar en við uppsögn samninga, hverjir eigi sæti í samninganefndum.

3. gr.

Bankastarfsmaður, sem lög þessi taka til, á rétt til að vera félagi í Sambandi íslenskra bankamanna eða félagi innan vébanda þess,

eftir nánari reglum í samþykktum sambandsins.

Bankastarfsmaður, sem eigi er innan vébanda Sambands íslenskra bankamanna, skal greiða gjald til sambandsins og aðildarfélags þess, er hann ætti að tilheyra, sem er jafnt og það gjald, er mönnum í sambærilegri stöðu er gert að greiða, séu þeir innan vébanda sambandsins.

4. gr.

Endurrit af uppsögn kjarasamninga svo og tillögur og kröfugerð um nýja samninga skal senda sáttasemjara ríkisins í vinnudeilum samtímis og gögn þessi eru send gagnaðila.

Náist ekki samkomulag milli samninganefnda, geta aðilar komið sér saman um að skjóta ágreiningsatriðum til gerðardóms. Gerðardómur skal skipaður oddamanni, er samningsaðilar koma sér saman um, tveim mönnum, er oddamaður tilnefdir í dóminn utan raða samningsaðila, svo og einum manni frá hvorum aðila.

Hafi samningar hvorki tekist né ágreiningi verið skotið til gerðardóms á fyrstu 60 dögum uppsagnarfrests, skal sáttasemjari ríkisins taka deiluna til meðferðar. Sáttasemjari skal kveðja til tvo menn til að vinna með sér að lausn kjaradeilu. Menn þessir skulu hafa réttindi og skyldur sáttasemjara.

5. gr.

Ákvæði laga nr. 33 3. nóvember 1915, um verkfall opinberra starfsmanna, skulu ekki gilda um þá bankastarfsmenn, sem lög þessi taka til.

Ákvörðun um vinnustöðvun ber að tilkynna sáttasemjara ríkisins og þeim, sem hún beinist gegn, skemmst 15 sólarhringum áður, en hún skal hefjast.

Verkfallsboðun skal vera skrifleg og send í ábyrgðarbréfi eða kynnt viðtakanda á annan sannanlegan hátt.

Óheimilt er að hefja vinnustöðvun:

1. Ef ágreiningur er einungis um atriði, sem Félagsdómur á úrskurðarvald um, nema til fullnægingar dómum hans.
2. Ef samþykkt hefur verið sáttatillaga sáttanefndar skv. 6. gr.
3. Til stuðnings aðila í annarri kjaradeilu.

Hafi verkfall verið boðað skal sáttanefnd leggja fram sáttatillögu um kjarasamninga eigi síðar en 5 sólarhringum áður en verkfall skal hefjast. Sáttanefnd ber að ráðgast við samninganefndir aðila áður en hún leggur fram sáttatillögu.

Pegar sáttatillaga hefur verið lögð fram, getur sáttanefnd frestað boðuðu verkfalli í allt að 15 sólarhringa. Haft skal samráð við samninganefndir aðila áður en verkfallsfrestun er ákveðin.

6. gr.

Um það, hvernig atkvæðagreiðslu um sáttatillögu skuli háttáð, skal kveðið á í samkomulagi því, sem greinir í 9. gr.

Sáttatillaga telst felld, ef helmingur greiddra atkvæða hið minnsta er á móti henni, enda hafi ekki færri en helmingur atkvæðisbærra starfsmanna á kjörskrá greitt atkvæði. Annars telst sáttatillaga samþykkt.

Sáttanefnd úrskurðar um öll vafaatriði, sem rísa kunna við atkvæðagreiðslur. Er úrskurður sáttanefndar endanlegur.

Eftir að vinnustöðvun er hafin getur sáttanefnd borið fram miðlunartillögu og fer um hana eftir sömu reglum og sáttatillögur, að því er varðar atkvæðagreiðslu.

7. gr.

Þótt löglegt verkfall sé hafið er starfsmönnum banka í eigu ríkisins, sem í verkfalli eru, skylt að starfa áfram að nauðsynlegri öryggisvörslu og sinna beinum skuldbindingum bankanna og íslenska ríkisins við erlenda aðila.

Um það, hvaða starfsmenn skuli halda áfram störfum og hvaða verkefni þeir skuli inna af hendi þótt verkfall sé hafið, skal nánar kveðið á í samkomulagi því, sem greinir í 9. gr.

8. gr.

Félagsdómur dæmir í málum, sem rísa milli samningsaðila um gildi verkfalls, ágreining um skilning á kjarasamningi, félagsréttindi starfsmanna og kjörskrárdeilur.

Pegar Félagsdómur fer með slík mál nefnir Samband íslenskra bankamanna annars vegar og Bankaráð ríkisbankanna hins vegar dómara til setu í dómnum í stað þeirra, sem nefndir hafa verið af Alþýðusambandi Íslands og Vinnuveitendasambandi Íslands.

Samband íslenskra bankamanna rekur mál fyrir Félagsdómi vegna sjálfs sín, félaga innan vébanda sinna svo og starfsmanna, sem hlut eiga að máli. Að öðru leyti skal fara eftir ákvæðum laga um stéttarfélög og vinnudeilur um sóknaraðild máls fyrir Félagsdómi.

9. gr.

Bankaráð ríkisbankanna og Samband íslenskra bankamanna skulu gera með sér samkomulag um gerð kjarasamninga, framkvæmd vinnustöðvunar og önnur þau atriði, er máli skipta og ekki er kveðið á um í lögum þessum.

Viðskiptaráðherra skal staðfesta slíkt samkomulag áður en það öðlast gildi, svo og allar breytingar, er á því kunna að verða gerðar.

10. gr.

Lög þessi öðlast þegar gildi. Jafnframt falla úr gildi þau ákvæði laga nr. 10/1961 um Seðlabanka Íslands, nr. 11/1961 um Landsbanka Íslands, nr. 12/1961 um Útvegsbanka Íslands og nr. 28/1976 um Búnaðarbanka Íslands, sem brjóta í bága við ákvæði laga þessara.

Samkomulag um kjarasamninga félagsmanna S. Í. B.

1. gr.

Samkomulag þetta tekur til allra félagsmanna Sambands íslenskra bankamanna, sem eru ráðnir til lengri eða skemmri tíma í þjónustu þeirra stofnana er hafa undirritað samkomulagið, enda sé það starf þeirra aðalstarf.

2. gr.

Um laun og önnur starfskjör þeirra starfsmanna sem samkomulag þetta tekur til skal fara eftir atriðum þessa samkomulags og kjarasamningum, sem gerðir eru samkvæmt því.

3. gr.

Samkvæmt samkomulagi þessu fara bankaráð og stjórnir lánastofnana með fyrirvar sinna stofnana en Samband íslenskra bankamanna með fyrirvar starfsmanna við kjarasamninga og aðrar ákvarðanir í sambandi við þá.

Samningar skulu fara fram á milli samninganefnda þriggja til sjö manna er hvor aðili um sig skipar. Kjarasamningar skulu staðfestir af hlutaðeigandi bankaráðum og stjórn Sambands íslenskra bankamanna.

4. gr.

Kjarasamningur skal kveða á um föst laun, fjölda launaflokka, vinnutíma, laun fyrir yfirvinnu, orlof, greiðslu ferðakostnaðar, fæðisæðstöðu, tryggingar, meginreglur til viðmiðunar um röðun starfsheita í launaflokka og önnur kjaraatriði, sem eigi eru lögbundin.

Kjarasamningar skulu vera skriflegir og samkomulag gert hverju sinni um gildistíma þeirra.

Óski annar hvor aðila, að gefnu sérstöku tilfni, endurskoðunar á launalið kjarasamnings

á samningstímanum skulu aðilar þegar í stað hefja viðræður. Náist ekki samkomulag innan þrjátíu daga skal ágreiningsatriðum skotið til úrlausnar gerðardóms sbr. ákvæði 6. gr. Slík endurskoðun skal þó ekki fara fram oftar en einu sinni á samningstímanum.

5. gr.

Uppsagnarfrestur kjarasamnings af hendi beggja aðila skal eigi vera skemmri en þrjú mánuðir. Uppsögn skal vera skrifleg og send í ábyrgðarbréfi eða kynnt viðtakanda á annan sannanlegan hátt.

Í samþykktum Sambands íslenskra bankamanna skal vera ákveðið hver taki ákvörðun um uppsögn kjarasamnings, boðun verkfalls og hvernig ákvörðun þar um skuli tekin.

Aðili, er segir upp kjarasamningi, skal samtímis uppsögn senda gagnaðila sínum kröfugerð og meginreglur um nýjan kjarasamning og skulu samningaviðræður þá þegar teknar upp.

Endurrit af uppsögn kjarasamnings svo og tillögur og kröfugerð um nýja samninga skal senda sáttasemjara ríkisins í vinnudeilum samtímis og gögn þessi eru send gagnaðila.

6. gr.

Náist ekki samkomulag milli samninganefnda, geta aðilar komið sér saman um að skjóta ágreiningsatriðum til gerðardóms. Skal dómurinn skipaður einum manni frá hvorum aðila og oddamanni, er aðilar koma sér saman um, og er hann formaður dómsins. Oddamaður velur tvo menn til viðbótar í dóminn utan raða samningsaðila. Gerðardómur skal fella úrskurð innan eins mánaðar frá því, að

málinu er vísað til hans, nema aðilar komi sér saman um lengri frest. Skal úrskurðurinn taka tillit til starfskjara og þróunar þeirra við sambærileg störf á vinnumarkaði almennt, hvort sem er hjá atvinnufyrirtækjum eða ríki, ríkisstofnunum, sveitarfélögum og stofnunum þeirra.

7. gr.

Hafi samningar hvorki tekist né ágreiningi verið skotið til gerðardóms á fyrstu sextíu dögum uppsagnarfrests, skal sáttasemjari ríkisins taka deiluna til meðferðar. Sáttasemjari skal kveðja til tvo menn til að vinna með sér í sáttanefnd að lausn kjaradeilu. Menn þessir skulu hafa réttindi og skyldur sáttasemjara.

8. gr.

Heimilt er að beita vinnustöðvun þegar að loknum uppsagnarfresti með þeim takmörkunum, sem í samkomulagi þessu greinir.

Ákvörðun um vinnustöðvun ber að tilkynna sáttasemjara ríkisins og þeim, sem hún beinist gegn, skemmt fimmtán sólarhringum áður en hún skal hefjast.

Verkfallsboðun skal vera skrifleg og send í ábyrgðarbréfi eða kynnt viðtakanda á annan sannanlegan hátt.

Óheimilt er að hefja vinnustöðvun:

1. Ef ágreiningur er einungis um atriði sem Félagsdómur á úrskurðarvald um, nema til fullnægingar dómum hans.
2. Ef samþykkt hefur verið sáttatillaga sáttanefndar samkvæmt 10. gr.
3. Til stuðnings aðila í annarri kjaradeilu.

Hafi verkfall verið boðað skal sáttanefnd leggja fram sáttatillögu um kjarasamninga eigi síðar en fimm sólarhringum áður en verkfall skal hefjast. Sáttanefnd ber að ráðgast við samninganefndir aðila áður en hún leggur fram sáttatillögu. Sáttanefnd ákvæður í samráði við sáttanefndir aðila hvernig atkvæðagreiðslu um sáttatillögu skuli háttáð, þar á meðal um fjölda kjörstaða og hvenær hún skuli fram fara.

9. gr.

Þegar sáttatillaga samkvæmt 8. gr. hefur verið lögð fram getur sáttanefnd frestað boðuðu

verkfalli í allt að fimmtán sólarhringa. Haft skal samráð við samninganefndir aðila áður en verkfallsfrestun er ákveðin.

10. gr.

Atkvæðagreiðslur um samninga og um sáttatillögu fara fram af hálfu bankaráða með þeim hætti, að atkvæði eru greidd í bankaráðum (og í stjórn Sambands íslenskra sparisjóða), og ræður meirihluti atkvæða afstöðu hversar stofnunar um sig. Atkvæði stofnananna eru síðan vegin saman með ákveðnum vogum, er m. a. taka tillit til starfsmannafjölda þeirra, og ræður meirihluti atkvæða sem þannig er fenginn.

Allir aðalfélagar Sambands íslenskra bankamanna, sem uppfylla skilyrði 1. gr. þessa samkomulags og eiga í kjaradeilu, hafa atkvæðisrétt um sáttatillögu. Leggja skal fram kjörskrá, áður en atkvæðagreiðsla hefst. Félagsdómur dæmir um kjörskrárdeilur.

Atkvæðagreiðsla skal vera skrifleg og leynileg og standa í minnst tvo daga. Sáttanefnd eða fulltrúum hennar er heimilt að vera á kjörfundum.

Jafnskjótt og atkvæðagreiðslu er lokið skulu atkvæði og kjörgögn send sáttanefnd.

Talning atkvæða fer fram undir stjórn sáttanefndar og er hvorum aðila heimilt að hafa umboðsmenn viðstadda talningu.

Sáttatillaga telst felld, ef helmingur greiddra atkvæða hið minnsta er á móti henni, enda hafi ekki færri en helmingur atkvæðisbærra starfsmanna á kjörskrá greitt atkvæði. Annars telst sáttatillaga samþykkt.

Sáttanefnd úrskurðar um öll vafaatriði sem rísa kunna við atkvæðagreiðslur. Er úrskurður sáttanefndar endanlegur.

Sáttatillaga, sem hefur verið samþykkt, telst gildur kjarasamningur.

11. gr.

Ef sáttatillaga er felld geta aðilar komið sér saman um að skjóta ágreiningsatriðum til gerðardóms, sbr. 6 gr.

12. gr.

Eftir að vinnustöðvun er hafin, getur sáttanefnd borið fram miðlunartillögu, og fer um

tir sömu reglum og sáttatillögur, að því er varðar atkvæðagreiðslu.

13. gr.

Þegar vinnustöðvun er hafin, skulu allir afgreiðslustaðir viðkomandi stofnana vera lokaðir og er starfsmönnum bankanna, öðrum en bankastjórum og aðstoðarbankastjórum, óheimilt að vinna nokkurt starf fyrir vinnuveitanda sinn, þó með eftirtöldum undantekningum:

1. Vinnuveitendur geta eigi síðar en þrem dögum áður en boðuð vinnustöðvun á að hefjast lagt fyrir Samband íslenskra bankamanna skrá um nöfn þeirra starfsmanna, er vinna skulu meðan á vinnustöðvun stendur, og mega á þeirri skrá vera allir þeir, sem hafa húsvörslu að aðalstarfi og auk þeirra allt að fimm af hundraði þeirra félagsmanna Sambands íslenskra bankamanna, sem starfa hjá hverjum vinnuveitanda. Skránni má ekki breyta meðan á vinnustöðvun stendur, nema með samþykki Sambands íslenskra bankamanna.
2. Starfsfólki á framangreindri skrá er skylt og einungis heimilt að vinna að eftirtöldum verkefnum:

A. Nauðsynlegri öryggisvörslu.

B. Nauðsynlegum afgreiðslum til þess að standa við beinar skuldbindingar stofnunarinnar við erlenda aðila, greiðslur erlendra ábyrgða og greiðslu vaxta og afborgana af erlendum lánnum stofnunarinnar sjálfrar eða sem hún er í ábyrgð fyrir. Enn fremur að inna af hendi greiðslu vaxta og afborgana af erlendum lánnum íslenska ríkisins eða sem eru með ábyrgð þess.

C. Vinnu við erlendan póst, símskeyti og telexsambönd.

Um laun og kjör þeirra sem vinna meðan á vinnustöðvun stendur skal fara eftir þeim kjarasamningi, sem gerður verður að lokinni vinnustöðvun.

14. gr.

Um ágreiningsatriði, er varða framkvæmd kjarasamnings, skal fjallað af kjaranefnd. Skal

hún skipuð þrem mönnum frá hvorum aðila að loknum kjarasamningum og starfa þar til nýir samningar hafa verið gerðir. Kjaranefnd skal kveðja oddamann til starfa með sér til að fjalla um atriði, sem ekki næst samkomulag um.

15. gr.

Félagsdómur dæmir í málum, sem rísa á milli samningsaðila um gildi verkfalls, ágreiningu um skilning á kjarasamningi, félagsréttindi starfsmanna og kjörskrárdeilur.

Þegar Félagsdómur fer með slík mál nefnir Samband íslenskra bankamanna annars vegar og vinnuveitendur hins vegar dómara til setu í dómnum í stað þeirra, sem nefndir hafa verið af Alþýðusambandi Íslands og Vinnuveitendasambandi Íslands.

Samband íslenskra bankamanna rekur mál fyrir Félagsdómi vegna sjálfs sín, félaga innan vébanda sinna svo og starfsmanna, sem hlut eiga að máli. Að öðru leyti skal fara eftir ákvæðum laga um stéttarfélag og vinnudeilur um sóknaraðild máls fyrir Félagsdómi.

16. gr.

Ákvæði í ráðningarsamningi er ógilt ef það brýtur í bága við kjarasamning starfsmanni í óhag.

Nú er sett á fót fyrirtæki í eigu þeirra stofnana sem hafa undirritað samkomulag þetta og skal þá ákveða kjör starfsmanna þess með samkomulagi milli viðkomandi stofnana og Sambands íslenskra bankamanna.

17. gr.

Samkomulag þetta öðlast gildi, þegar ákvæði um samnings- og verkfallsrétt starfsmanna ríkisbankanna hafa verið lögleidd í samræmi við yfirlýsingu bankanna frá 18. júní 1976 og við skiptaráðherra hefur staðfest það.

Gert er ráð fyrir að gildistími samkomulagsins verði hinn sami og lagaákvæðanna. Aðilar geta þó hvenær sem er gert breytingar á samkomulaginu, séu þeir um það sammála, en slíkar breytingar skulu staðfestar af viðskiptaráðherra.

Samningur um trúnaðarmenn

1. gr.

Á hverjum vinnustað, þar sem starfandi eru a.m.k. 5 félagsmenn, er starfsmönnum heimilt að velja sér trúnaðarmenn starfsmannafélags og SÍB fyrir þann vinnustað. Fjöldi þeirra skal ákveðinn í samráði við SÍB, hlutaðeigandi starfsmannafélag og viðkomandi stofnun.

2. gr.

Trúnaðarmaður skal gæta þess, að kjarasamningar séu haldnir og réttur starfsmanna sé í hvívetna virtur, einkum orlof, vinnuvernd, öryggi og hollustuhætti. Trúnaðarmaður geri sitt besta til að skapa og viðhalda góðri samvinnu innan stofnunar og leitast við að leysa hugsanlegt ágreiningsefni.

Þegar ágreiningur rís um samningsbundin kjör starfsmanna, réttindi eða skyldur, koma kjörnir trúnaðarmenn starfsmanna fram fyrir hönd starfshópa og aðstoða einstaklinga eftir því sem óskað er af starfsmanni eða banka, - nema þegar ágreiningur nær út fyrir skilgreindan vinnustað, þá fer stjórn starfsmannafélags með málefni starfsmanna gagnvart banka. Þó geta kjörnir trúnaðarmenn falið stjórn starfsmannafélags meðferð málsins telji þeir ástæðu til.

3. gr.

Starfsmenn snúi sér til trúnaðarmanns með kvartanir sínar. Ber trúnaðarmanni að rannsaka málið þegar í stað, er umkvartanir berast eða hann hefur ástæðu til að ætla, að gengið sé á rétt starfsmanna eða stéttarfélag á vinnustað hans af hálfu stofnunar. Komist trúnaðarmaður að þeirri niðurstöðu, að umkvartanir eða grunur hafi við rök að styðjast, ber honum að krefjast lagfæringar.

4. gr.

Trúnaðarmaður skal í engu gjalda þess í starfi eða á annan hátt, að hann hefur valist til trúnaðarstarfsins.

5. gr.

Trúnaðarmaður skal gefa starfsmönnum á vinnustaðnum svo og starfsmannafélagi, er í hlut á, og jafnframt Sambandi ísl. bankamanna eftir eðli málsins, skýrslu um kvartanir starfsmanna, jafnskjótt og við verður komið. Enn-

fremur gefur hann sömu aðilum skýrslu um að hvaða leyti hann telur að stofnunin hafi vanefnt kjarasamninga, svo og hvaða lagfæringar hafi fengist fram.

6. gr.

Nú þarf atvinnurekandi að fækka við sig starfsmönnum og skal trúnaðarmaður að öðru jöfnu sitja fyrir um að halda vinnunni.

7. gr.

Trúnaðarmenn og formaður starfsmannafélags skulu hljóta hæfilegan frítíma á óskertum launum til nauðsynlegrar þátttöku á námskeiðum og fundum, er snerta störf þeirra sem slíkra, enda valdi það sem minnstri röskun á starfsemi bankans.

8. gr.

Trúnaðarmönnum og formanni starfsmannafélags er heimilt að rækja félagsleg störf sín í vinnutíma og skal honum sköpuð starfsaðstaða með aðgangi að síma og til að ræða einslega við starfsmenn.

9. gr.

Formaður starfsmannafélags, í samráði við stjórn þess og trúnaðarmannaráð, fylgist með og hefur tillögurétt um launabreytingar og framkvæmd kjarasamninga. Fulltrúar starfsmannafélags eiga rétt á að koma á fundi bankaráðs til þess að ræða málefni starfsmanna.

10. gr.

Fundir bankastjórnar, starfsmannastjóra og fulltrúa starfsmanna um almenn hagsmunamál starfsfólks skulu haldnir, þegar annar hvor aðili óskar.

11. gr.

Fundir með stjórnendum og deildarstjórum banka og stjórn og/eða trúnaðarmönnum starfsmannafélags, einkum um skipulag og starfsemi bankans og áform um breytingar á því, skulu haldnir, þegar tilefni gefst til og annar hvor aðili óskar.

12. gr.

Aðilar geta hvenær sem er gert breytingar á samningi þessum, séu þeir um það sammála.

